




HEHEURAA API

Novema

ATOPA 1940

TE HURU O TE ATUA

I TE hoê mahana, farerei atura te hoê orometua pae faaroo i te hoê tamaiti i nia i te hoê aroa o te oire ra o Lonedona, o tei ho'i mai na te Haapiiraa Sabati mai. A tuu ai taua orometua ra i to'na rima i nia i te upoo o taua tamaiti ra, parau atura oia, "E mea papu, e tau tamaiti, ua haere oe i te Haapiira Sabati."

"Oia mau, e te orometua."

"E mea au anei na oe ia haere i te Haapiiraa Sabati?"

"E, e te orometua."

"Ua rave rahi anei te mau mea maitai ta oe e haapii na i reira?"

"Oia mau, e te orometua."

"Ua haapii paha oe no nia i te Atua e ta'na mau ohipa maere?"

"E, e te orometua."

"E teie nei taata iti e, teihea ia te Atua?"

"E te orometua e, tei nia ia Oia i te ra'i."

"E parau mau roa, tei nia te Atua i te ra'i; area, tei te mau vahi atoa Oia; ua i te ao nei Ia'na."

Hi'o atura te tamaiti ia'na ma te maere e ani atura oia; Tei o'a'e anei te Atua?" a faaita ai oia i te vahi ta raua e tia ra.

“E, tei reira Oia.”

“Tei muri anei Oia i tera’e aua patu ra?”

“E, tei reira Oia.”

“E tia anei Ia’na ia haere, mai i ò nei i ò atu?”

“E, e tia Ia’na ia haere, mai i ò nei i ò atu.”

Paarau atura te tamaiti, “Ua hape roa oe, e te orometua, no te mea, mai te mea tei te mau vahi atoa te Atua, aita’tu ia e vahi te tia Ia’na ia haere.”

Maitihia

EDITORIALE

E Ao To Tei Haehaa Te Aau, Na Ratou Hoi Te Basileia O Te Ao

I te mau mahana i haapii haere ai Iesu i te fenua ra i Ierusalemu, ua haere noa oia i nia i te mou’a, ua parahi i raro, e ua parau atura ta’na vaha i te mau parau e rave rahi tei au ia fariihia e ia haapaohia e tatou. Na roto i to’na ra mau parau ua tuu maira oia i te hoê maa parau, na o maira:

E ao to tei haehaa te aau, na ratou hoi te basileia ra o te ao.

E homa e, e nahea hoi tatou i to tatou haapaoraa i teie nei parau i tuuhia maira. Eaha te auraa o teie nei parau iti, *haehaa te aau*. Ua papu anei ia tatou i teie nei parau iti. Ua haehaa anei to tatou, e aita anei? E farii anei tatou i te tahi mau parau no roto mai i te ve’a, e a ore râ, na roto i te rata, tei ore i au i to tatou mana’o, area râ, te vai ra i roto i taua ve’a, e a ore râ, i taua rata ra, te hoê mea maitai e te faahiahia.

E nahea tatou, e au mau hoa e, e farii anei tatou i te mau mea maitai, ia hi’opoa, ia mataitai e ia tapea, e aita anei?

I te anotau tahito, i te mau mahana o te peropheta ra o Ezekielia, ua na ô maira te Atua i te mau tamarai a Iseraela, *E na’u e horoa’tu i te aau hoê no ratou, e Na’u e tuu i te varua apî i roto ia ratou; e Na’u e iriti i te aau o-fai i roto ia ratou, e na’u e horoa’tu i te aau marû*.

E nahea hoi tatou i teie nei mau mahana. Ua marû anei to tatou aau, e aita anei? Ua tia anei ia tatou ia farii mai i te hoê mau mea apî i faaitehia mai ia tatou, e aita anei?

Mai te mea ua marû to tatou nei aau, e ore hoi tatou e etaeta i te mau mea e faaitehia mai, e riro ra to tatou aau ei aau marû, e te maitai hoi.

E no reira, e au mau hoa e, a faatupu roa tatou i te mau mana’o maitai i roto i to tatou nei aau e tia’i, e na roto i te haehaa o to tatou aau, e riro ia ia tatou nei te rê i parauhia e Iesu, te Basileia o te Ao.

TE

TI

1. O
'na mai
oti ia'n
anei te
tara ma

Ditema

Ditema

Ditema

Ditema

Ditema

M

A pure
'na ra ma
ia haere a
reira, e i
Tamaiti a
o to'na ra
te ao nei.

EAHA

TE PARAU AUTAHU'ARAA

No te Ava'e DITEMA

TE MAU TAATA TUIROO O TE BIBILIA

E MAU UIRAA

1. O vai teie taata? 2. Eaha to'na toro'a? 3. Eaha te huru o to'na maitiraahia? 4. I hea ta'na ohipa i ravehia'i? 5. Eaha te ohipa i oti ia'na? 6. Ua mauruuru anei te mau taata ia'na? 7. Ua mauruuru anei te Atua ia'na? 8. E manuia anei tatou ia pee tatou ia'na? A tara mai.

Ditema 1. BARABA. Mataio 27:16; Mareko 15:7; Luka 23:18; Ioane 18:40.

Ditema 8. AGERIPA. Te Ohipa 25:13; 26:32.

Ditema 15. KAIAPHA. Mataio 26:3,57; Luka 3:2; Ioane 11:49; 18:13, 14, 24, 28; Te Ohipa 4:6.

Ditema 22. PONOTIO PILATO. Mataio 27:2-27; 27:58-66; Mareko 15:1-15, 42 47; Luka 23:1-25, 50 53; Ioane 18:28; 19:22, 31, 38.

Ditema 29. A haapii atu i te parau no na Haapiiraa Hahaere no te ava'e i mua, mai tei papaihia i roto i te ve'a no te ava'e Teuare.

Na Te Mau Haapii Mahaere na te Mau Utuafare

TE FAUFAA O TE PURE

A pure atu i te Fatu, a tiaoro atu i to'na ra i'oa mo'a, a faaite atu i ta'na ra mau ohipa nehenehe i rotopu i te mau taata. A tiaoro atu i te Fatu, ia haere atu to'na basileia na nia i te fenua nei, ia farii te mau taata i te reira, e ia ineine ratou no te mau mahana i tae mai nei, e haere mai ai te Tamaiti a te Taata i raro na ropu i te reva nei, e e faaahuhia i te anaana o to'na ra hanahana, ia farerei i te basileia o te Atua o tei faatiahia i nia i te ao nei. Buka Fafau 65: 4, 5.

EAHA TE PURE:

Te hiaai mau o te aau
I parau ore hia,
E ama noa'i te mana'o
Te pure mau ia.

(A hi'o i te tuatiraa i te api 189)

TE SOTAIETE VAHINE TAUTURU

No te Ava'e DITEMA

Irava tamau aau: III Nephi 9: 20

E pûpû mai cutou i te aau tatarahapa e te varua marû ia'u nei ei mono i te reira. E o te haere mai ia'u ma te aau tae e te varua marû ra, o ta'u ia e baptizo i te auahi e te Varua Maitai.

Mahana Maha (Matamua)

Mahana iritiraa mana'o e te himene na te mau tuahine.

Parau tumu no na Tuahine Hahaere: Te Tia-Faahou-raa, e te tumu no to Iesu poheraa. A tai'o i te Alama 14: 15, 17, 25, e te taatoaraa o te pene 14.

Mahana Maha (Piti)

To Sibolona monoraa ia Helamana. Alama 63:1, 2.

Hagota e ta'na ohipa. Alama 63:5, 8.

Te mau mea mo'a i tuuhia ia Helamana e Sibolona. Alama 63:10 13.

Mahana Maha (Toru)

Ua tuu o Nephi i te parahiraa haava ia Hezorama. Helamana 5:1.

Ua rave Nephi raua o Lehi i te ohipa a'oraa i te parau a te Atua, e te huru o ta raua ohipa. Helamana 5:4 e tae noa-tu i te hopea o te pene.

Mahana Maha (Hopea)

Mahana raveraa ohipa na te mau tuahine.

No reira hoi te Mesia i pohe ai, e i tia faahou ai i nia, e e tia hoi oia i te oraraa, ia riro oia ei Fatu no tei pohe e no tei ora hoi.

Roma 14: 9.

Ua tia faahou mau ra te Mesia i te poheraa ra; e ua riro ei matamua no te feia i mairi te taoto ra. *I Korinetia 15: 20.*

TE HAAPIIRAA SABATI

No te Ava'e DITEMA

PUPU PARAIMERE

Irava tamau aau: *II Te Mau Arii 2:2*

Ua parau maira Elisaia, Te ora ra Iehova, e te ora atoa ra oe iho. e ore au e faarue ia oe.

Ditema 1. Te peropheta e ta'na aamu. I Te Mau Arii 20: 1-43.

Ditema 8. Te moni no to Ahaba ô vine. I Te Mau Arii pene 21.

Ditema 15. Te te'a tei tuupohe i te Arii. I Te Mau Arii 22: 1-40.

Ditema 22. To Elia pereoo anahi. II Te Mau Arii 1:1 e tae noa'tu i te 2:15.

Ditema 29. Hi'opoaraa.

PUPU PITI

Irava tamau aau: *Iona 2:2*

Ua parau atura oia, I tiaoro atura vau i to'u nei ati, ia Iehova, e ua faaroo mai oia ia'u; i roto i te opu o hade to'u tiaoro-hua-raa'tu, e ua faaroo mai oe i tau reo.

Ditema 1. Eita oe e horo ê atu i te Atua. Iona.

Ditema 8. Isaia te peropheta. II Te Mau Arii 18; 19.

Ditema 15. Ieremia i roto i te tapearaa ra. Ieremia 37; 38.

Ditema 22. Ta Daniela faaiteraa i te taoto a Nebukanesa. Daniela 1; 2.

Ditema 29. Hi'opoaraa.

PUPU TORU e te MAHA

Irava tamau aau: *Iosua 24:14*

E tena na, e mata'u outou ia Iehova e e haamori ho'i ia'na ma te haavare ore, ma te parau mau.

Ditema 1. To Mose hi'oraa'tu i te fenua i parauhia —na hi'o i tonohia i Ieriko. Deuteronomi 3:26-29; Iosua 1:10-18; 2.

Ditema 8. Na ofai hoê ahuru ma piti i ravea mai no raro i Ioradana—Te mairiraa o te aua i Ieriko. Iosua 4; 6.

Ditema 15. To Iosua manuiaraa i te mau tama'i i roto i te raveraa i te fenua i parauhia. Iosua 10; 11.

Ditema 22. No Iseraela te fenua taatoa e to Iosua poheraa. Iosua 21; 24.

Ditema 29. Hi'opoaraa.

TE FEIA API



No te Ava'e NOVEMA

Irava tamau aau: *Moroni 8:20*

E o te parau mai e, ia baptizohia te tamarii rii e tia'i, o te huna ia i te aroha o te Mesia, e te faaore hoi i te taraehara na'na, e te mana o to'na ra ohipa faaora.

Ditema 1. TE MANA O TE FAAROO. Luka 17:5, 6; Mareko 11:21-26; Iakobo 1:5, 6; Mataio 21:21-22; 14:24-31; 17:14-21.

Ditema 8. TE AURAA MAU O TE PARAU TATARAHAPA. Luka 13:1-9. Mataio 5:1, 2; 11:16-24; Mareko 1:14, 15; 6:7, 8; Ephesia 4:17-32: Buka a Moromona Moroni 8:8-26.

Ditema 15. TE BAPTIZORAA MAU. Salamo 1; Ioane 3:1-5; 10:1-18. II Te Mau Arii 5:1, 14; Mataio 3:13-16; 28:19-20; Roma 6:3-5: Te Ohipa 2:38; Mareko 16:15, 16; Buka a Moromona, Moroni 8:8-14.

Ditema 22. TE TUURAA O TE RIMA. Ioane 3:5; 15:16; 14:16, 17, 26; 16:13, 14; Hebera 6:1, 2; Te Ohipa 8:5-24; 19:1-7.

Ditema 29. Na te orometua haapii e imi i ta'na iho haapiiraa.

TE HAAPIIRAA PARAIMERE

No te Ava'e DITEMA

Irava tamau aau: *Genese 13:16-17*

E e faarahi hoi au i to oe na huaai mai te hu'a repo fenua nei, e ia hope te hu'a repo fenua nei ia taio ra, ei reira atoa to oe huaai e hope ai ia taio. A tia, a haere na te maoro o taua fanua nei, e na te aano; e horoa hoi au i teie no oe.

MAHANA MAHA (MATAMUA)

ABERAHAMA

I te hoê tau i muri a'e i te haapeapearaahia o te mau reo i te taime i patuhia'i te pare teitei, ua fanauhia mai Aberahama. E tamaiti oia na Tera; e toru ratou, o Aberahama, o Nahora e o Harana, o tei fanauhia i Ura i ô te Kaladaio ra. Ua rave Tera ia Aberahama e ta'na vahine o Sari, e ia Lota te tamaiti a Harana o tei pohe na, e aratai atura ia ratou i te fenua ra o Kanaana. Ua tae râ ratou i Harana e pohe atura Tera.

I reira tae maira te reo o te Atua ia Aberahama, i te na ôraa e, *A rave outou i ta outou mau faufaa, e a haere atu i te fenua ta'u e faaite ia oe.* Haapao ihora Aberahama i taua faaueraa ra, e reva'tura oia e ta'na vahine, e o Lota atoa, te tamaiti a to'na tuaana, e tae atura ratou i te fenua ra o Kanaana.

Ua roohia râ taua fenua nei i te hoê o'e, no reira, haere noa'tura Aberahama ma i Aiphiti, mai te parau atu Abrahama i ta'ua vauine e, *Ia tae tatou i Aiphiti, e parau oe e, e tuahine oe no'u, eiaha ei vahine, no te mea e vakine hi'oraa maitai oe, e e riro paha ratou i te taparahi mai ia'u, a rave ai ia oe, mai te mea e ite ratou e, o oe ta'u vahine.*

Ua tupu iho â ta Aberahama i parau, ua ravehia ta'na vahine e Pharao no to'na nehenehe, e ua rahi roa ta Aberahama faufaa i noaa. Aita râ te Atua i mauruuru ia Pharao e ua tuu mai Oia i te pohe rahi i nia i to Pharao utuafare. Ite ihora Pharao e, e vahine Sari na Aberahama, e ere râ i te tuahine, e ani maira oia ia Aberahama ia rave atu i ta'na vahine, e ta'na mau tao'a e ia reva'tu. No reira ua reva mai Aberahama ma i Kanaana.

MAHANA MAHA (PITI)

ABERAHAMA RAUA O LOTA

I to Aberahama ma tae-faahou-raa i Kanaana, ua ite Aberahama e, aita i tia ia ratou ia faaea tahoê noa no te mea e tao'a rahi ta'na e oia atoa ta Lota. Ua mârô noa ta raua mau tavini. Ua ite Aberahama i teie, e no te mea e taata maitai roa e te mârû, ua parau atura oia ia Lota, *E Lota, te ite nei au e, ia taa ê taua e tia'i, ia ore te mau mârôraa i ropu i to'u nei mau taata e to oe.* No reira, a maiti oe i te fenua ta oe i hinaaro. *E ia rave oe i te fenua i te pae atau, e rave ia vau i tei te pae aui, e ia rave oe i tei te pae aui, e rave au i tei te pae atau.*

Ua nana a'era Lota i to'na mata i nia, ite atura i te fenua papu i te pae anavai Ioridana e rave ihora oia i te reira. E fenua maitai roa ia e te pape rahi. E mea tupu maitai te mau maa e te mau raau i reira, e e vahi au roa ia no te mau animala. Te vahi ra i parahibia e Aberahama, e ere ia i te vahi repo maitai e te pape rahi. Aita roa râ oia i peapea. E rave rahi te ati ta'na i farerei i to'na pue mahana, e eaha oia e peapea'i i teie nei? Ua faaora a'ena te Atua ia'na, e e tia-turi â oia Ia'na.

I te reira taime ua tae maira te reo o te Atua ia'na i te faa-iteraa e, e riro oia ei metua no te hoê nunaa rahi, e e haamaitai roa Oia ia'na. No reira farii maira Aberahama i taua parau ra mai te mauruuru e te haamaitai i te Atua.

MAHANA MAHA (TORU)

LOTA I TE FAAORARAAHIA E ABERAHAMA

Tei Sodoma te faaearaa o Lota. E oire ia no te feia parau-ino. Ua tae mai te hoê mau arii e tama'i mai i te mau arii o Sodoma e Gomora o tei vî ihora, e ua ravehia Lota e to'na mau taata ei tîti. Ua ora maira te hoê taata, horo atu-ra oia ia Aberahama e faaite atura ia'na i te mau mea i tu-pu ra.

Te here noa ra Aberahama i ta'na tamaiti ia Lota, no rei-ra, rave ihora oia i to to'na utuafare, e ta'na mau tavini e auau atura i te mau arii, haavî atura ia ratou, faaora maira ia Lota.

I to ratou ho'iraa mai, mai te aroraa mai, ua haere atura te arii o Sodoma e farerei ia'na no to'na mauruuru rahi. Ua parau atura te arii ia'na e, a vaiiho mai i te mau taata ia'u nei, a rave oe i te mau tao'a. Aita râ o Aberahama i rave i te tao'a no te mea ua tãpũ oia i te Atua e, eita oia e na reira.

I te reira taime ua haere maira te arii o Salema, o Mele-hizedeka, e tavini parau-tia a te Fatu, o tei hopoi mai i te pane e te uaina, e haamaitai ihora i te reira. I reira au-fau atura Aberahama i te tufaa ahuru i ta'na ra mau tao'a.

Ua riro atoa teie ei ture i roto i ta tatou Ekalesia, e i teie nei â, ia roaa mai ia tatou te tao'a, e horoa tatou i te tufaa ahuru i te Atua.

MAHANA MAHA (HOPEA)

Na te orometua e maiti i na tamarii no te faatiaraa i te a-mu no (1) Aberahama, (2) Aberahama raua o Lota, (3) Lo-ta i te faaoraraahia e Aberahama.



NA TE MAU HAAPII HAHAEERE NA TE MAU UTUAFARE

(E tuatiraa no te api 183)

E NAHEA IA PURE: E ia pure outou ra, eiaha ia rahi te parau rii fau-faa ore mai ta te mau Etene ra; o tei mana'o e tei te rahi o te parau e itehia mai ai ratou. Eiaha roa e pee atu ia ratou, ua ite hoi to outou Metua i te mau mea e au ia outou, hou outou i ani atu ai ia'na. (*Mataio 6:7,8*)

Area ia pure oe ra, e haere i roto i to plha, e opani maite i te opani a pure ai i to Metua; e na to Metua iho, tei ore roa i moe te hoê mea ia'na ra, e faautua faaite mai ia oe, (*Mataio 6:6; III Nephi 13:6*)

A PURE MA TE FAAROO: A pure noa outou ia ore outou ia mairi i roto i te faahemaraa, ia tia ia outou ia tia i te mahana o to'na haereraa mai, i teie nei oraraa e a ore râ i roto i te pohe. (*Buka Fafau 8:10*)

O te ore e haapao i ta'na ra mau pure i mua i te Fatu i te tau mau ra, ia haamana'ohia oia i mua i te haava o to'u ra mau taata. (*Buka Fafau 68:33; 133:6*)

TE VARUA O TE PURE: E ere te pure i te amuiraa parau ana'e ra. O te pure mau ra, o te hinaaro mau ia te tupu mai no roto i te mafatu e no roto i te hinaaro omo'e o to tatou nei varua ia tiaoro i te Fatu ma te hae-haa e te faaroo, ia tia ia farii i Ta'na mau haamaitairaa. Aita e peapea i te huru iti o te parau e parauhia ra, mai te mea e hinaaro mau to tatou, e ia haere mai tatou i mua i te Fatu ma te aau mârû mau e te varua tatara-hapa, no te aniraa'tu Ia'na i te mau mea i hinaarohia e tatou. (*Iosepha Semita*)

E mea tia ia faaitoito te mau Haapii Hahaere ia haapao te Mau Feia Mo'a i to ratou mau pure fetii e to ratou mau pure omo'e.

Te Evanelia A Iesu Mesia

Tei papaihia e Farani D. Sanford

TE apiapi ra o te uputa e te piri hoi o te e'a e tae atu ai i te ora, e te iti hoi o te feia i ite atu i te reira.

O teie ia te pahonora papu ta te Faaora i horoa i tei ui ia'na e, e mea rahi anei, e a ore râ, e mea iti anei te faaora-hia? Ua faaore-atoa-hia te feaa i nia iho i te uiraa: *E mea rahi anei te mau ravea ia roaa mai te ora?* Aue te pinepine o to tatou faaroora o te parau e, Aita e peapea i te huru o to tatou haapaoraa, hoê â vahi ta tatou e haere nei. Hoê â Atua ta tatou e haamori nei, noa'tu e ravea huru e ta te tahi i ta te tahi. E tapao ana'e teie no te imi-ore-raa i te Ekalesia mau.

Te faaite mai nei Paulo ia tatou e, *Hoê Fatu, hoê faaroo, hoê baptizo.* Ua ite oia e, aita i rahi te haapaoraa êê, e eita atoa e tia ia ratou ia haapii atu i te mau huru baptizoraa

mai tei itehia i teie tau.

E mea papu, ua haamatahia te taivaraa ia'na i papai i ta'na episetole i to Galatia ra, e e tai'o tatou, *Te maere nei au ia outou i taa é vave i tei haamau ia outou i te aroha mau o te Mesia, i te Evanelia é; e ere rá te tahi evanelia, te vai nei ra, tei haapeapea ia outou e tei hinaaro i te ruri i te evanelia o te Mesia. Ia a'o atu ra matou, eiaha'tu ia, o te tahi melahi no te ra'i mai, ia a'o atu ia outou i te evanelia maori rá, i tei a'ohia'tu e matou ia outou na, ia riro ia oia ei anatema.*

E mea tuu ore te Evanelia a Iesu Mesia. Te mau faa-huruê-raa i itehia i roto i te mau haapaoraa i teie nei tau, na te taata nei ia.

Te parau nei te Ekalesia a Iesu Mesia i te Feia Mo'a i te Mau Mahana Hopea Nei e, ua faaho'ihia mai teie iho â Ekalesia i teie mau mahana hopea nei. Ua faaho'ihia mai te í-raa o te reira e te hoê melahi no te ra'i mai. Te haapii atu nei matou e, te parau matamua o te evanelia, o te faaroo ia ei aratai hoi i te ohipa maitai; o te piti ra, o te tatarahapa ia, e na roto i te reira e faaruehia te mau haerea hara, e e tavini tatou i te Atua. E reira e farii tatou i te Mesia na roto i te bapetizoraa, e na roto i te tuuraa o te rima e fariihihi'i te Varua Maitai. O te orometua mau oia no te mea, *E aratai oia ia tatou i te mau parau mau atoa.* Ua faaho'i-atoahia mai, i te ao nei, te mana mau no te raveraa i teie mau ohipa.

Ua tonohia'tu te mau orometua i mutaa ihora ma te parau e, *E teie nei, e haere outou e faariro i te mau fenua atoa ei pipi. A bapetizo atu ai ia ratou i roto i te i'oa o te Metua, e no te Tamaiti, e no te Varua Maitai.* Te haapiihia'tu nei teie iho â Evanelia, i te mau fenua atoa, i teie nei mahana.

E tia atoa ia matou ia parau i te parau a Paulo, i te na ô-raa'tu e, *Aore hoi au i haama i te Evanelia o te Mesia ra, no te mea o te mana ia o te Atua, ia ora te feia atoa i faaroo ra.*

E ite ia outou i te parau mau, e na te parau mau outou e faatiamá.

Te Ravea Ora Tahoê

Tei papaihia e Viri H. Miller

TE faaroo nei matou e, no te taraehara a te Mesia ra e ora'i te taata atoa o tei haapao i te mau ture e te mau faauerua o te Evanelia nei. (Hiroa faaroo 3)

Ua horoahia mai, no nia mai, te vai-tahuti-raa, ei haapii-raa e ei tamataraa, e tia'i i te mau tamarii varua a te Atua faarahi i to ratou mana, e ia faaite i to ratou huru mau. Ua haere tatou paatoa i mua, mai roto i te vai-tino-ore-raa, roto i teie vairaa, i horoahia mai ai ia tatou, no te hoê tauoto, te tino i'o e te ivi. E rave rahi râ te taata tei feruri e, haereraa teie i muri, eiaha i mua, e te oto nei ratou i te mea i topa'i tatou, e i vî ai tatou i te hoê ati ite-ore-hia.

Te haapapu maira te parau mo'a e, e tia i te taata ia tae mua roa'e i te vahi i vai ai oia hou to'na fanauraahia mai roto i teie nei ao; oia hoi, ua pi'o te taata ia tia ia'na ia faavî. Ua faatiahia ia haere te taata i raro rii, ia tae oia i ia roa.

E au tatou i te taata tei ite i te tupuai mou'a i tera mai pae o te hoê peho, e ua hinaaro i te haere atu i nia i tana tupuai mou'a ra. E mata na oia i te pou i raro i te peho, e i reira e tia'i ia'na ia tae i nia roa i te tupuai mou'a ra.

I te tuu-raa-hia to tatou na metua matamua, o Adamu e o Eva, i roto i te Ô i Edene, ua ite-atea-hia e to tatou Metua mo'a, te Metua o to tatou mau varua, e hi'a te taata; e no reira, ia vai te hoê ravea ora e tia'i. Ua ite maitai to tatou Metua i te ao e, e manuïa te tahi pae o ta'na mau tamarii i roto i te haapiiraa tahuti, te tahi pae râ, eita ia e manuïa no mea, e huru ê to te hoê varua, e huru ê to te tahi, e pau-ua te tahi pae, e mairi te tahi pae i te pae purumu, e pare-to te tahi pae, e e ora mai te tahi pae. Ua ite Oia i te pohe te ô i roto i te ao nei, no reira, ua maitihia te hoê Faaora, ou te niû o te ao nei i hamanihia'i.

O te matahiapo, teie Faaora, o te mau tamarii varua o te Atua. Ua maitihia Oia no te haereraa mai i te fenua nei, mai ahuhia i te tino e au i to tatou iho, e huru taata e e huru Atua atoa To'na, no te haapii i te taata i te mau parau tu-mu no te Evanelia e tia i te vairaa, e no te haamauraa i te ravea e noaa'i te ora, i nia i teie ao.

I to te Mesia haapaoraa i ta'na ohipa misionare, ua horoa oia i to'na oraraa ei tusia no te taata. Na roto i to'na taraehara ua vî te pohe. O ta te Mesia e ta te Metua ia tufaa ohipa i te faatupuraa i to tatou ora mure ore.

Te vai nei e piti faufaa rahi no te taraehara o te Mesia:

1. Te tia-faahou-raa te tae i nia i te taata atoa, noa'tu ua parau-tia e a ore râ ua parau-tia ore. O te oraraa ia te reira i te hi'araa; ua ô te pohe i roto i te ao nei na roto i te taata hoê, no reira, ia vai â te parau-tia, e ora te taata atoa i te taata hoê e tia'i.

2. Te faatiaraa i te ravea no te tatarahaparaa, e no te haamatararaa i te hara a te taata. O te oraraa teie, o te noaa i te taata atoa o te haapao i te mau ture e te mau oro'a o te Evanelia.

E mea aano roa te huru ê o te oraraa i te mana o te pohe, i te oraraa i roto i te Basileia o te Atua. Aita i tia i te taata ia faaora ia'na iho, aita atoa i tia i te Atua ia faaora ia'na, mai te au i te opuaraa no te ora. Eita roa'tu te Atua e faahopo i te hoê noa'tu taata ia haapao i ta'na mau ture e ta'na mau faaneraa. Eita roa Oia e faahopo i te hoê noa'tu taata ia haere i roto i te Basileia o te Atua. E ravea tahoê ia.

Na te Mesia i iriti mai i te uputa no te ravea e tia'i ia roaa ia tatou te ora mure ore, e a ore râ, ia vaiiho i te reira, a ooti ai i te viivii. Na te Atua i horoa mai ia tatou te mau ture e ta'na Evanelia, ei aratai e ei faatere na te tautururaa ia tatou i te raveraa i te maitai. Tei ia tatou iho râ ta tatou tufaa ohipa.

No te hoê taata i ô mai ai te pohe i roto i te ao nei, i nia i te taata atoa. Ua horoa mai to tatou Metua aroha i te hoê Faaora, e Arai, e roaa mai ai te tia faahou-raa i te taata parau-tia, e i te taata parau-tia ore atoa hoi. E ere râ te reira i te parauraa e, e roaa mai ia tatou te ora.

Te rave faaoti nei tatou i to tatou ora i nia i te fenua nei, mai te au i to tatou haapaoraa i te Evanelia a Iesu Mesia. E tia te mau taata atoa i mua i te haavaraa a te Atua no te haaava-raa-hia, mai te au i te mau ohipa ta ratou i rave a faaen'i i nia i te fenua nei, i roto i to ratou vai-tahuti-raa.

Eaha Ra Teie?

Papaihia e Re McEntire

HOE tauatini e iva hanere matahiti i mairi a'enei, te vai ra te hoê taata, e taata haehaa, e taata haapii-ore-hia, e taata au Atua ra. Aita'tu e taata tei haapii i te mau parau tei faatupu i te feruriraa e te imiraa i rotopu i te taata o te ao nei, mai reira mai â. E i teie nei â, ua fatata e piti tauatini matahiti i muri mai, te maere nei te mau taata a na ô ai e, *Eaha ra teie?*

E mea taa ohie e te papu te mau haapiiran a 'e Fatu ra o Iesu Mesia. No te aha ra e auraa ê to te reira i te hoê taata e e auraa ê i te tahi? Aita te mau taata atoa i ite, e aita atoa i horoahia ia ite ratou. Eita hoi e taa ia tatou te mana o te Atua ora, eita e papu ia tatou ta'na mau haapiiraa e tae noa'tu i to tatou fariuraa i te Fatu, ia tuu mai Oia i to'na varua i nia ia tatou. Na roto i te Varua, e te mana o te Atua, teie mau haapiiraa i horoahia mai ai ia tatou, e na roto i te reira iho Varua e taa'i ia ia tatou. No reira, e noaa te ite i ta te Varua, ei horoaraa no nia mai.

Mai te mea e noaa ia tatou te mau haamaitairaa no ô mai i te Fatu, e mea tia ia ite tatou ia Iesu, e i te Metua mure ore, ua papaihia hoi e, *Teie hoi te ora mure ore, ia ite ratou ia oe i te Atua mau ra, e ia Iesu i te Mesia i ta oe i tono mai.* (Ioane 17:3) Te na ô atoa maira Iesu, *Te imi nei outou i te parau i papaihia ra, no te mea te mana'o na outou e roaa te ora mure ore i reira: o te faaite ia ia'u o taua mau parau ra.* (Ioane 5:39)

A imi i te mau parau mo'a atoa, no te mea, na te man ta-ata atoa te evanelia, eiaha no te hoê noa iho mau taata. Ia tamau tatou i te mau parau mau, ia ore tatou ia haaviivii i te fenua, ruri ê i tei haapaohia ra, e pi'o i te faufaa haapao-tamau-hia ra.

Na roto i te imiraa i teie mau mea, te tatarahaparaa, e te fariuraa i mua i te Fatu mai te haehaa, te parau-tia, na roto i te faaroo e te pure, e haamaitai mai ai Oia ia tatou na roto i To'na Varua, ia au i te parau papai, *E ite ia outou i te parau mau, e na te parau mau outou e faatiamâ.* (Ioane 8:32)

Ia Vai Noa Te Heheuraa E Tia'i

Papaihia e Ri Halverson

FORE e parau i faaitehia mai e taiata te taata i reira. Maseli 29:18.

Ua faaite-papu-hia i roto i te mau irava parau te aratai-noa-raa o te Atua i ta'na ra Ekalesia. Te faaite mai nei te mau irava parau, mai te tau o Adamu e tae roa mai i te tau o Ioane, na aratai pinepine te Atua i ta'na ra Ekalesia na roto i te heheuraa i ta'na ra mau tavini i faataroahia. I te tupuraa o te papaa parau no te mau heheuraa ta te Atua i heheu mai, ua riro teie mau heheuraa parau ei ture no te taata.

Aita râ te heheuraa o te hoê tau i ravai no te aratai-noa-raa i te taata i te mau tau i muri a'e. E mea faufaa iho â te heheuraa tahito no te aratairaa i te taata i te reira iho tau, mai te faaneraa a te Atua ia Noa ia hamani oia i te hoê pahih—e te faaneraa ia Mose ia haere oia i rapae i te fenua Aiphiti. Aita râ teie mau heheuraa i navai no te aratai-noa-raa i te Ekalesia na nia i te mau haereraa apî e te mau ohipa apî. E mea ê te tahi tau, e mea ê te tahi, e te tupu noa nei te mau ohipa e te mau haereraa apî a te Ekalesia i nia iho i te ao nei. Mai te ture a Mose te huru: ua man taua ture ra i nia iho ia Iseraela mai te Exodo e tae noa'tu i te pororaa a Iesu, tera râ, i te taeraa o Iesu i reira, na horoahia te mau ture apî na ratou.

Ua heheu-atoa-hia mai te tahi mau ture i te taata ia haapa-hia i te mau tau atoa, mai teie te buru: eiaha e taparahi i te taata, e eiaha e eiâ; tera râ, ia tupu te mau ohipa apî i roto i te Ekalesia e mea tia ia vai atoa te parau aratai no te ra'i mai. E e mea tia anei ia mana'o tatou e, e haamaitai te Atua i ta'na ra Ekalesia i te hoê tau ma te heheuraa parau, e i te tahi mau tau, a vai ai ta'na Ekalesia i nia i te ao nei, eita Oia e horoa mai i te heheuraa?

Na roto i te taivaraa o te taata nei ua hopoihia'tu te mana no te Antahu'araa i nia i te ra'i: na opanihia te haamaramarama o te ra'i i te taata, e na vaihohia te taata i roto i te poiri. I tera râ tau, aita te Atua i horoa mai i te mana i te taata, i nia i te ao nei, no te raveraa i ta'na ra ohipa, e aita te Ekalesia mau i reira.

No te aha ra i hopoi-ê-hia'tu ai te mana mau? Te faaite papu mai nei te Bibilia i te tumu: *Inaha, aore te rima o Jehovah i poto, e ore e tia'i ia'na ia faaora, aore hoi to'na ta-*

ri'a
faat
na'i
tua
tia i
pour
pere
haha
i te
tao r

Ia
i te
ia i
sia a
i rot
au i
ha i
o te
te ti
i raa
tavin
E
e he
hina

ni m
mae
poah
mae
man
hape
E
te hu
ia, n
te fa
M
"Ua

ri'a i turi, e ore e tia'i ia faaroo. No ta outou ra mau hara i faataa ia outou i to outou Atua; e na to outou parau-ino i huna'i oia i to'na mata ia outoa, i ore ai oia i faaroo mai ai. I tua e roa'tu ai te parau au ia tatou nei; e aita nei a te parautia ia tatou: te tia'i nei tatou i te maramarama, e inaha, e pouri; e te anaana, te haere noa nei ra na roto i te ite ore. Te perehahu noa nei tatou i te pae fare, mai te matapo ra; e te hahi nei tatou mai te feia aore i ite ra; te turori noa nei tatou i te avatea nei, mai tei te rui ra: e tei roto tatou i te pouri tao-tao ra, mai te feia pohe ra. (Isaia 59:1, 2, 9, 10)

Ia faatia-faahou-nia ra te Ekalesia mau a Iesu Mesia, i nia i te ao nei, e ora ia ma te heheuraa parau a te Atua e i raro ia i to'na iho poihereraa. No te mea e, ua patuhia te Ekalesia a Iesu Mesia i nia iho i te heheuraa, te na o maira Iesu i roto i te Mataio 16:16-19, * e ei nia iho i teie papa e patu ai au i ta'u Ekalesia e e ore roa ia e noa i te uputa o hade. Eaha ia papa? O te heheuraa ia. * i patuhia i nia iho i te niu o te mau aposetolo e te mau peropheta ra, e o Iesu Mesia iho te tihira. (Ephesia 2:20) Aita a te Fatura a Ichova e peu i rave, maori ra ia faaite i ta'na parau i moe i ta'na ra mau tavini i te mau peropheta. (Amosa 3:7)

E homa e, e ere anei teie i te faaite-papu-raa ia tatou e, e heheu noa mai a te Atua i ta'na ra parau e i to'na atoa ra hinarro i ta'na Ekalesia.

Te Fare Hamaniraa O Te Ao

Papaiahia e Farani D. Sanford

I ROTO i te hoê fare hamaniraa pahi reva i te fenua Marite, te rave ra e 5,500 taata ite i te ohipa hamani machine pahi reva. E oti i taua fare rahi ra e 15 ana'e machine i te mahana hoê. Ia hape ore te hoê vahi ra, e hi'opoahia te mau vahi atoa e 3,600 taime hou te hamaniraa o te machine. I muri a'e i te mau tamataraa, ua tatarahia ia e te mau ite hohonu e ua hi'opoahia no te vahi paruparu e te hape.

E itehia te mau hapehape rii, na roto i te auri ovahine e te hu'ahu'a auri. Te mau machine i ore i tano e faaruehia ia, noa'tu te vahi nainai i hape. Te machine hape ore ana'e te fariihia no te pahi reva.

Mai te reira atoa tatou no te roaaraa mai i te ora mure ore. "Ua parau atura Iesu, Amene, amene, e parau atu vau ia

oe, Ia ore te taata ia fanau i te pape e te varua, e ore oia e ô i te basileia o te Atua ra.” (Ioane 3:5)

E mea tia ia haapao-atoa-hia teie i teie nei mahana, mai te au i te haapaoraahia i te tau o Iesu. Te faaite mai nei te Buka Fafau e, “E ia ratou te tatarahapa e te bapetizohia i roto i to’u nei i’oa, o Iesu Mesia ia, e e faaoromai noa e tae noa’tu i te hopea o ratou ia te faaorahia.” (B. F. 18:22)

Te faaroo, te tatarahapa, e te bapetizoraa i raro a’e i te pape ia matara te hara, e te tuuraa o te rima no te horoaraa’tu i te Varua Maitai, o te hoê ia mau ture teie no ô mai i te Atua ra, ia roaa te ora i te taata nei. Aita to te hoê taata e mana ia faahuru ê i taua mau ture nei.

Teie fare tamataraa, i parauhia a’enei, o te ao nei ia, e te mau tamataraa i tuuhia mai, o te mau faaueraa e te mau ture ia no tatou. Mai te au i to tatou haapaoraa i taua mau ture nei e maitihia ia e tatou te parahiraa maitai, e a ore râ, te parahiraa ino i te ao ra. Na tatou iho e rave i te ohipa no te reira.

Ua faatiahia te fare o te Atua i nia iho i te faaturaraa e te haapaoraa i te mau ture atoa, no reira e mea tia i te taata, no te tae atu i reira, ia haapao hoi i taua mau ture ra. Mai te huru i roto i te fare hamaniiraa pahi reva, e hi’oponahia tatou no to tatou mau hape, e te taata hara ore e ô ia oia i roto i te basileia o te Atua. O tei hara râ, e haere iho â oia i roto i te vahi i raro a’e.

Tei te Atua ana’e te mana no te horoa mai i te ora i te taata. Aita te reira mana i te hoê noa’e taata.

O teie ia Ta’na parau ia tatou nei, “O vau te Fatu i mau ai, ia haapao outou i ta’u parau ia ore ra ratou i haapao i ta’u parau, aita ta outou e fafau.” (B. F. 82:10)

PARAU API NO TE MISIIONI

I roto i te ava’e no Atete i mairi a’enei, ua pohe o Tehina â Taufaa i Aratika, i te 18 o taua ava’e ra.

O te Peretiteni ia oia no te amaa i Raraka. Ua rave oia i taua toroa ra ma te aau tae e te tuutuu ore. Ua hamanihia te hoê fare pureraa nehenehe roa i raro a’e i ta’na faatereraa. E taata marû e e taata haehaa atoa hoi, e aito mau oia no te Faaroo. Ua ite vau e, te vai nei ta’na utu’a maitai roa i te va-

hi ta'na i anihia ia haere e te Atua. Na roto i ta'na raverāa i te ohipa maitai ma te itoitō, e te puai, i to'na oraraa, e farii iho ā oia i taua utua maitai roa ra.

A papai ai au i teie nei parau, te haamana'o nei au i te hoê irava tei na ô mai e, *Ia'u nei, ia ora vau, ia rave ia vau i te hinaaro o te Mesia; e ia pohe, o ta'u nei ia rê.*

I te ava'e no Setepa i mairi a'enei, ua tere te Peretiteni, e ta'na vahine, e na orometua ra o Viliamu raua o Eletona, i Moorea, no te mataitairaa i te hoê haapiiraa hoho'a i reira. Ua faaterehia taua haapiiraa hoho'a ra e Rui raua o Melavina orometua. Ua farii-maitai-hia ratou e te mau taata i Afareaitu, Moorea. Ua mauruuru hoi te Peretiteni ma i to ratou tereraa i Moorea. E ua mauruuru atoa te mau taata i Moorea no te farereiraa i to tatou Peretiteni Misioni, e to'na hoa, e no te haapiiraa hoho'a i faaterehia i reira.

E mai te mea te hinaaro nei outou i te Buka *Te Mau Irava Parau*, e tia ia outou ia hoo i taua buka no te moni mama roa ra, oia hoi, e 4 tara (20 farane) i te buka hoê. I te matamua ra e 7 ia tara (35 farane) te buka hoê. No te moni ore o te taata ua tuuhia te moni hooraa i raro.

PARAU API ORC'A

HAMAITAIRAA

I'OA	MAH.FAN.	M. HAAM.	AMAA	NA VAI I HAAMAITAI
Toroatua i te Rai ā Makitua	18-6-40	19-7-40	Katiu	Rui Orometua
Temaui ā Takotua	18-3-40	19-7-40	Katiu	Melavina Oro.
Loulouse Aniete ā Ayam	7-5-40	2-6-40	Takarōa	Taumata ā Mapuhi
Matia Tehono Kaitaua ā Matia	26-5-40	9-6-40	Takarōa	Taumata ā Mapuhi
Amelie Taivirei ā Hauata	2-7-40	4-8-40	Mahu	Ataiti ā Tupea
Lucien ā Tupea	14-12-39	27-9-40	Mahu	Temariiata ā Hauata
Teataotamatea ā Tehoiri	14-11-39	7-1-40	Mahu	Temariiata ā Hauata
Toma Ririfatu ā Ani Mariteragi	26-7-40	1-9-40	Papeete	Tihoni Tanona

BAPETIZORAA

I'OA	MAT.	MAH. BAP.	FENUA	NA VAI I BAPETIZO
Rogo Tetaiariki Hoga ā Kuranui	8	9-6-40	Niau	Noromana Orometua

POHERAA

Tumataarii ā Tehahe, t. 3-5-40, Mahu, Tubuai, 50 matahiti.

Roti ā Tehoiri, v. 8-7-40, Haramea, Tubuai, aiû.

Matagi ā Kau, t., 18-6-40, Hikueru, 71 matahiti.

Taema ā Hauata, v., 14-8-40, Haramea, Tubuai, 61 matahiti.

Tehina ā Taufā, t., 18-8-40, Aratika, 52 matahiti.

Mareta ā Temaumu, v., 14-9-40, Niau, 29 matahiti.

Fariua ā Maruake, t., 14-5-40, Takarōa, 24 matahiti.

TE MAU PARAU API

I te 15 no Setepa i mairi a'enei ua faatupuhia te hoê aufauraa moni, i te mau fenua aihuaraau o Holane, no te hooraa'tu i te pahi reva hopoi topita no te afairaa'tu i te fenua Baratane no te tama'i.

I roto i te mau parau radio no te 18 no Setepa i mairi a'enei, ua faaitehia e, te tupu noa ra te mana'o tahoê i te Tenerara De Gaulle i rotopu i te mau taâta no Farani tei ore i parahihia e te Purutia. Te faaitehia ra e, ua pinepine ratou i te haaputuputu huna noa ia ore ratou ia itehia. Te tumu ratou i na reira'i, no to ratou hi'oraa i te mau ohipa ino a te Purutia e te faatereraa tîti a te Hau no Vichy i raro a'e i te faatereraa a te Purutia.

I taua mahana ra ua haere te mau manu reva Baratane e ua topita ratou i te oire rahi Purutia ra o Berlin e te tahi atu â mau oire i te fenua Purutia, e i Farani, Peretita e i Holane atoa hoi.

I te 29 no Setepa ua tae mai te niuniu, no Noumea mai, tei faaite mai e, na maiti te Tenerara De Gaulle i to tatou Tavana tahi to ra, o Sautot, ei Tavana api no Taratoni, no to te reira fenua tahoêraa i raro a'e i ta'na faatereraa.

I roto i te mau radio no te 25 no Setepa, ua faaitehia e, ua tupu te peapea rahi i rotopu i te nuu Tapone e te nuu Farani i Anami, na roto i to te Tapone haapao-ore-raa i te parau ta ratou i faaau e te Hau no Vichy. I teie nei râ, ua parauhia e, ua ore te reira peapea.

I taua mahana ra ua haere faahou te manu reva Baratane na nia i te oire Purutia ra o Berlin e ua vai noa ratou i nia'e i taua oire ra i na hora e maha ma te taora noa i te topita, e ua farii te Purutia i te reira parau na roto i ta ratou faaiteraa parau api.

I te 27 no Setepa, ua haere te mau manu reva Baratane e topita haere i te mau vahi e rave rahi o te fenua Purutia e ua faaitehia e, i te oire vairaa pahi manua ra, o Kiel, ua tano maitai te manua Purutia ra o "Sharnnorst" tei vai i nia i te taviriraa. Ua rave rahi atoa te mau oire i Farani tei topitahia. e tei hau roa'tui te oire ra o Boulogne tei topitahia i na hora e toru ra.

I roto i te radio no te 29 no Setepa, ua faaitehia e, ua haere te mau manu reva Purutia i nia i te fenua Baratane no te topita haere, e na roto i to te Baratane patoiraa ia ratou, ua mairi 133 manu reva Purutia i raro e e 34 manu reva Baratane i mairi atoa i raro, area râ ua ora mai 16 pairati Baratane,

Ua papu roa i teie nei te parau no to Paulo a'oraa i te Evanelia i Atheno na roto i te iteraahia te mau toea, i raro a'e i te repo, o te Agora, oia hoi, ta mahora o te huiraatira e te mau fare i vai i reira.

Marcel Bonnet, Gérant

L. Yale Peterson, Éditeur de la Mission

Eugène M. Cannon, Imprimeur

Neneihia e te MISIONI TAHITI no te Ekalesia a Iesu Mesia i te Feia Mo'a i te Mau Mahana Hopea Nei. Orovini, Papeete, Tahiti.

Te hoo: e 5 farane i te matahiti; e 10 farane no na matahiti e toru.